

**ხელშეკრულება N85**  
**სახელმწიფო შესყიდვის შესახებ**  
*(დაფინანსების წყარო: 2022 წ. აფხაზეთის ავტონომიური რესპუბლიკის ბიუჯეტი)*

ქ. თბილისი

17 აგვისტო 2022 წ.

ერთის მხრივ, სსიპ „ეკონომიკური პროგრამების სააგენტო“ წარმოდგენილი მისი თავმჯდომარის მოადგილის ლევან გუჯეჯიანის სახით (შემდგომში „შემსყიდველი“) და მეორე მხრივ, შპს „დი ეს“ (შემდგომში „მიმწოდებელი“) წარმოდგენილი მისი დირექტორის დავით სეჟანიას სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ქ“ ქვეპუნქტის, სახელმწიფო შესყიდვების სააგენტოს 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული აუქციონის გარეშე ელექტრონული ტენდერის (NAT220014500) ჩატარების საფუძველზე ვდებთ სახელმწიფო შესყიდვის შესახებ ხელშეკრულებას შემდეგზე:

**1. ტერმინთა განმარტებები**

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული ყველა დოკუმენტით (დანართი N1 და დანართი N2);
- 1.4. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ - კალენდარული დღე, კვირა, თვე.

**2. ხელშეკრულების საგანი**

- 2.1 ხელშეკრულების საგანს წარმოადგენს შემსყიდველი ორგანიზაციის მიერ ელექტროშესადულებელი მოწყობილობების და სახარატო დაზგის შესყიდვა, ტრანსპორტირების გათვალისწინებით. დანართი N1 და დანართი N2 ის შესაბამისად. CPV42662100 - ელექტროშესადულებელი მოწყობილობები, CPV42621000 - სახარატო ჩარხები.

**3. ხელშეკრულების ღირებულება**

3.1 ხელშეკრულების ღირებულება შეადგენს 11500.00 (თერთმეტი ათას ხუთასი ლარი და 00 თეთრი) ლარს.

3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს და გადასახდელებს, დღგ-ს გათვალისწინებით.

#### **4. საქონლის მიწოდების ვადა და ადგილი**

4.1. შესასყიდი საქონლის მიწოდებას მიმწოდებელი განახორციელებს ხელშეკრულების გაფორმებიდან 30 (ოცდაათი) კალენდარულ დღის განმავლობაში.

4.2. შესასყიდი საქონლის მიწოდების ადგილია - ქ. თბილისი, მ. თამარაშვილის N15ა.

4.3. საქონლის მიწოდებას მიმწოდებელი უზრუნველყოფს საკუთარი ხარჯით.

#### **5. ხელშეკრულების შესრულების კონტროლი**

5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.

5.2 შემსყიდველის მხრიდან ხელშეკრულების შესრულების კონტროლს ახორციელებს: საჯარო სამართლის იურიდიული პირის „ეკონომიკური პროგრამების სააგენტოს“ პროგრამის შემუშავებისა და განხორციელების დეპარტამენტის უფროსი ჯანო ქირთაია (შემდგომში „ინსპექტირების ჯგუფი“).

5.3 ინსპექტირების ჯგუფის ფუნქციებია:

5.3.1 გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;

5.3.2 დაადგინოს მიწოდებული საქონლის შესაბამისობა ხელშეკრულებით გათვალისწინებულ მოთხოვნებთან;

5.3.3 უზრუნველყოს სათანადო დასკვნის შედგენა მიმწოდებლის მიერ წინამდებარე ხელშეკრულებით ნაკისრი ვალდებულებების შესრულების თაობაზე.

#### **6. საქონლის მიწოდების პირობები და ვადები**

6.1 მიმწოდებელი იძლევა გარანტიას, რომ მიწოდებული საქონელი იქნება ნივთობრივად და უფლებრივად უნაკლო, ახალი, არა მეორადი მოხმარების.

6.2 საქონლის მიღების ან/და მათი საბოლოო შემოწმების შედეგად გამოვლენილი დეფექტის/ხარვეზის აღმოჩენის შემთხვევაში, მიმწოდებელი ვალდებულია შემსყიდველის მიერ წერილობითი მოთხოვნიდან გონივრულ ვადაში, მაგრამ არაუგვიანეს 3 (სამი) დღისა უზრუნველყოს მისი აღმოფხვრა/გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

6.3 შემსყიდველ ორგანიზაციას უფლება აქვს უარი განაცხადოს წუნდებული საქონლის მიღებაზე.

## **7. საქონლის მიღება-ჩაბარების წესი**

7.1 მიმწოდებლის მიერ მიწოდებული საქონელი ჩაითვლება მიღებულად მიღება-ჩაბარების აქტის გაფორმების საფუძველზე.

7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

7.3 მიღება-ჩაბარების აქტი დგება საქონლის მიწოდების დასრულების შემდეგ, ინსპექტირების დასკვნის საფუძველზე, წერილობითი ფორმით, მხარეთა უფლებამოსილი წარმომადგენლების ხელმოწერით.

7.4 შემსყიდველის მხრიდან მიღება-ჩაბარების აქტზე ხელმომწერი პირია ახორციელებს: საჯარო

სამართლის იურიდიული პირის სსიპ „ეკონომიკური პროგრამების სააგენტოს“ თავმჯდომარის მოადგილე ლევან გუჯეჯიანი.

7.5 საქონლის მიღება და საბოლოო შემოწმება ხდება საქონლის მიწოდების ადგილზე.

## **8. ანგარიშსწორების პირობები და ვადები**

8.1. ანგარიშსწორება განხორციელდება უნაღდო ანგარიშსწორების წესით, ფაქტიურად სრულად მიწოდებული საქონლის შესაბამისად გაფორმებული მიღება-ჩაბარების აქტის და საქართველოს კანონმდებლობით გათვალისწინებული შესაბამისი საგადახდო დოკუმენტაციის წარდგენიდან 10 (ათი) სამუშაო დღის ვადაში.

8.2. შემსყიდველი უფლებამოსილია, მიმწოდებლის მიერ შემსყიდველისათვის ხელშეკრულებით გათვალისწინებული (მიღება-ჩაბარების აქტის შესაბამისი) ნებისმიერი ასანაზღაურებელი თანხა (ასეთის არსებობის შემთხვევაში) გამოქვითოს შემსყიდველსა და მიმწოდებელს შორის გაფორმებული ნებისმიერი ხელშეკრულებიდან წარმოშობილი და მიმწოდებელზე ვადამოსული გადასარიცხი თანხიდან.

8.3. საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

## **9. მხარეთა უფლება-მოვალეობანი**

9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.

9.2 შემსყიდველი უფლებამოსილია:

9.2.1 განახორციელოს ზედამხედველობა მიმწოდებლის მიერ ხელშეკრულების პირობების დაცვაზე;

9.2.2 ხელშეკრულებით გათვალისწინებული ვადების დარღვევის შემთხვევაში მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;

9.3 შემსყიდველი ვალდებულია:

9.3.1 მიიღოს მოთხოვნილი საქონელი;

9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;

9.3.3 განახორციელოს ამ ხელშეკრულებით მასზე დაკისრებული სხვა ვალდებულებები;

9.4 მიმწოდებელი უფლებამოსილია:

9.4.1 მოითხოვოს შემსყიდველისგან მიწოდებული საქონლის ღირებულების ანაზღაურება ხელშეკრულებით გათვალისწინებული პირობების შესაბამისად;

9.4.2 ანგარიშსწორების ვადის დარღვევის შემთხვევაში შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;

9.5 მიმწოდებელი ვალდებულია:

9.5.1 მიაწოდოს შემსყიდველს ნივთობრივად და უფლებრივად უნაკლო საქონელი;

9.5.2 საქონლის მიწოდება განახორციელოს წინამდებარე ხელშეკრულების მე-4 მუხლში მოცემული პირობების შესაბამისად;

9.5.3 უზრუნველყოს ახალი კორონავირუსის გავრცელების აღკვეთის მიზნით გასატარებელი ღონისძიებების დამტკიცების შესახებ“ საქართველოში მოქმედი ნორმების მოთხოვნათა დაცვა;

9.5.4 უზრუნველყოს შრომის უსაფრთხოების კანონმდებლობით დადგენილი პირობებისა და მოთხოვნების ზედმიწევნით შესრულება;

9.5.5 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;

9.5.6 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;

9.5.7 განახორციელოს ამ ხელშეკრულებით მასზე დაკისრებული სხვა ვალდებულებები.

## **10. ხელშეკრულებაში ცვლილებების შეტანა**

10.1 ხელშეკრულების დამდებ არც ერთ მხარეს უფლება არ აქვს ცალმხრივად შეცვალოს ხელშეკრულების პირობები.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.

- 10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

## **11. ხელშეკრულების შეწყვეტა**

- 11.1 ხელშეკრულება შეიძლება შეწყდეს:
- 11.1.1 მხარეთა წერილობითი შეთანხმებით;
  - 11.1.2 ხელშეკრულების ვადის გასვლის გამო;
  - 11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 11.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:
- 11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
  - 11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;
  - 11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;
  - 11.2.4 მიმწოდებლის გაკოტრების შემთხვევაში;
  - 11.2.5 საქართველოს კანონმდებლობით გათვალისწინებულ სხვა შემთხვევებში.

## **12. მხარეთა პასუხისმგებლობა**

- 12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს ხელშეკრულების ღირებულების 0.02 პროცენტი ყოველი ვადაგადაცილებული დღისათვის.
- 12.3 მიმწოდებელი პასუხისმგებელია ხელშეკრულების გათვალისწინებული ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს ხელშეკრულების ღირებულების 0.02 პროცენტი ყოველი ვადაგადაცილებული დღისათვის.
- 12.4 ზემოაღნიშნული ვალდებულებების შესრულება არ ათავისუფლებს მიმწოდებელს ხელშეკრულებით ნაკისრი ვალდებულებების სრულად შესრულებისაგან.

### 13. ფორს-მაჟორი

- 13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორიცაა ომი, სტიქიური მოვლენები, ეპიდემია და აშ.
- 13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული ან/და სხვა ხელშემშლელი გარემოებების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.
- 13.4 ფორს-მაჟორული ან/და სხვა ხელშემშლელი გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრ ვალდებულებების შესრულებას და ცდილობს გამოწვას ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

### 14. დავების გადაწყვეტა

14.1 მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობით დადგენილი წესის შესაბამისად.

### 15. ხელშეკრულების სხვა პირობები

- 15.1 ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 15.2 ამ ხელშეკრულებით გათვალისწინებული საკითხები განისაზღვრება საქართველოს მოქმედი კანონმდებლობის შესაბამისად.
- 15.3 ხელშეკრულება შედგენილია ქართულ ენაზე ელექტრონულად, დადასტურებულია კვალიფიციური ელექტრონული ხელმოწერით ან/და ელექტრონული შტამპით და ინახება ხელშეკრულების მონაწილე მხარეებთან.

### 16. ხელშეკრულების მოქმედების ვადა

- 16.1 ხელშეკრულება ძალაშია მისი ხელმოწერის დღიდან და მოქმედებს 2022 წლის 31 დეკემბრის ჩათვლით.

### 17. მხარეთა რეკვიზიტები

#### შემსყიდველი

სსიპ „ეკონომიკური პროგრამების  
სააგენტო“  
ს/კ 249251134  
მის: ქ. თბილისი, თამარაშვილის 15ა  
ტელ: 2391491  
სახელმწიფო ხაზინის ერთიანი ანგარიში  
TRESGE22

სააგენტოს თავმჯდომარის მოადგილე  
ლევან გუჯეჯიანი

#### მიმწოდებელი

შპს „დი ეს“  
ს/კ 400263889  
მის: ქ.თბილისი, გლდანის მასივი,  
მიკრო/რაიონი VII, კორპუსი 9ა, ბ.55  
ტელ : 555278273  
ს/ს საქართველოს ბანკი  
ბ/კ: BAGAGE22  
ა/ა GE05BG0000000161102491

დირექტორი  
დავით სეჟანია

| № | შესყიდვის<br>ობიექტის<br>დასახელება                              | შემოთავაზებული შესყიდვის ობიექტის, მახასიათებლები და აღწერილობა                                                                                                                                                                                                                                                                                                                                                                                                                                                                                                       | განზომილებ<br>ა | რაოდენო<br>ბა | წარმოშობის<br>ქვეყანა | მწარმოებლი<br>ს/ ზრენდის<br>დასახელება | მიწოდების ვადა და<br>საგარანტიო პერიოდი                                                                   |
|---|------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------|---------------|-----------------------|----------------------------------------|-----------------------------------------------------------------------------------------------------------|
|   | 1                                                                | 2                                                                                                                                                                                                                                                                                                                                                                                                                                                                                                                                                                     | 3               | 4             | 5                     | 6                                      | 7                                                                                                         |
| 1 | შედულების<br>აპარატი                                             | ძაბვა: 220ვ, ენერგიის მაქსიმალური მოხმარება : 6,2KVA, მავთულის ნომინალური დიამეტრი MIG რეჟიმში: 0-6-1,0მმ, მავთულის მაქსიმალური დიამეტრი MIG რეჟიმში: 1,2 მმ, მავთულის მიწოდების დრო: 2-15 მ/წთ, დენის მიწოდების რეგულირება MMA რეჟიმის დროს 30-170A, შესადულებელი ელექტროდის დიამეტრი: 1,6-4მმ, MIG რეჟიმი MIG GAS/MIG FLUX, სამუშაო ციკლი მაქსიმალური ძაბვის დროს: MIG 100% (40C), სამუშაო ციკლი მაქსიმალური ძაბვის დროს: MMA 100% (40C), ძალოვანი ტრანზისტორების რაოდენობა: 4, იზოლაციის კლასი: F, დაცვის კლასი: IP21S, წონა: 9,8კგ , პარამეტრები: 425x215x340mm ; | ცალი            | 1             | ჩინეთი                | Dnipro-m                               | 30 (ოცდაათი)<br>კალენდარული დღის<br>ვადაში<br>მიღება-ჩაბრების აქტის<br>გაფორმებიდან - 12<br>(თორმეტი) თვე |
| 2 | ინვერტორი<br>შესადულებელი                                        | მოხმარების სიმძლავრე: 250 A, მაქსიმალური მოქმედი დენი: 335A, შედულების დენის რეგულირება: 12-250 A, ელექტროდის დიამეტრი: 1,6-5მმ, ფუნქცია: HOT START რეგულირებადი, ARC-FORCE რეგულირებადი, ANTI-STICK ავტომატური, მაქსიმალური მოხმარების სიმძლავრე: 11KVA, გაბრიტები: 110x330x250mm , წონა: 5,7 კგ, დაცვის კლასი: IP33;                                                                                                                                                                                                                                                | ცალი            | 1             | უკრაინა               | PATON                                  | 31 (ოცდაათი)<br>კალენდარული დღის<br>ვადაში<br>მიღება-ჩაბრების აქტის<br>გაფორმებიდან - 12<br>(თორმეტი) თვე |
| 3 | ინვერტორი<br>ნახევრად<br>ავტომატური<br>(შესადულებელი<br>აპარატი) | სიმძლავრე: 250A, წონა: 16.5კგ, დაცვის კლასი: IP21;                                                                                                                                                                                                                                                                                                                                                                                                                                                                                                                    | ცალი            | 1             | უკრაინა               | PATON                                  | 32 (ოცდაათი)<br>კალენდარული დღის<br>ვადაში<br>მიღება-ჩაბრების აქტის<br>გაფორმებიდან - 12<br>(თორმეტი) თვე |
| 4 | სახარატე დაზგა                                                   | სიმძლავრე: 750 ვატი, ცენტრებს შორის მანძილი: 510 მმ, დიამეტრი: 320 მმ, სიჩქარე: 250 – 3850 ზრუნ/წუთში სიჩქარის გადართვა: ლილაკით რევერსის ფუნქციითწონა: 52 კგ-;                                                                                                                                                                                                                                                                                                                                                                                                       | ცალი            | 1             | ჩინეთი                | Record Power                           | 33 (ოცდაათი)<br>კალენდარული დღის<br>ვადაში<br>მიღება-ჩაბრების აქტის<br>გაფორმებიდან - 12<br>(თორმეტი) თვე |

ფასების ცხრილი

დანართი №2

| №                               | CPV კოდი | საქონლის დასახელება                                  | განზომილების ერთეული | რაოდენობა | ერთეულის ფასი (ლარი) | საერთო ღირებულება (ლარი) |
|---------------------------------|----------|------------------------------------------------------|----------------------|-----------|----------------------|--------------------------|
| 1                               | 2        | 3                                                    | 6                    | 7         | 8                    | 9                        |
| 1                               | 42662100 | შედულების აპარატი                                    | ცალი                 | 1         | 1978,00              | 1978,00                  |
| 2                               | 42662100 | ინვერტორი შესადულებელი                               | ცალი                 | 1         | 2150,00              | 2150,00                  |
| 3                               | 42662100 | ინვერტორი ნახევრად ავტომატური (შესადულებელი აპარატი) | ცალი                 | 1         | 3472,00              | 3472,00                  |
| 4                               | 42621000 | სახარატე დაზგა                                       | ცალი                 | 1         | 3900,00              | 3900,00                  |
| სულ ჯამი დღგ-ს გათვალისწინებით: |          |                                                      |                      |           |                      | 11500,00                 |